
“Ёшлар шахмат тахтаси” республика очик турнирининг туман босқичи ғолиблари аниқланди

Ўзбекистон ёшлар иттифоқи томонидан ҳар йили анъанавий тарзда ўтказиладиган “Ёшлар шахмат тахтаси” беллашувлари ўқувчи ёшларни маънавий ахлоқий жихатдан тарбиялаш, уларни бўш вақтларини мазмунли ўтишини ташкил этиш, ёшларни спорт мусобақаларига оммавий тарзда жалб қилишда муҳим аҳамият касб этади.

Бугун, Ўзбекистон туманидаги 36-умумий ўрта таълим мактабида шу очик турнирининг туман босқичи бўлиб ўтди.



Мусобақанинг очилиш маросимида туман ҳокимининг ёшлар сиёсати, ижтимоий ривожлантириш ва маънавий-маърифий ишлар бўйича ўринбосари И.Турсунов, туман жисмоний тарбия ва спорт бўлими бошлиғи Х.Мухиддинов, Ўзбекистон ёшлар иттифоқи Ўзбекистон туман Кенгаши раиси ўринбосари Д.Мўйдинов ва 36-мактаб директори Х.Убайдуллаевлар сўз олиб, Президентимиз ташаббуси билан мамлакатимизда ёшларга эътиборни кучайтириш, уларнинг бўш вақтларини мазмунли ташкил этиш ва спорт турларига қизиқишини янада орттириш борасида амалга оширилаётган ислохотлар мазмун-моҳияти ҳақида ўз фикр-мулоҳазаларини билдиришди, турнир олдидан барча ўқувчиларга омадлар тилашди.



Ташкил этилган мазкур мусобақада икки юз нафардан ортиқ ёш шахматчилар дона сурди.

Ақл гимнастикасининг бўлажак усталари ўзаро беллашувларда қобилиятларини намоиш этдилар.



Ғолибларга вилоят босқичига йўлланма, фахрий ёрлиқ ва медаллар тақдим этилди.

Ўзбекистон тумани ҳокимлиги Ахборот хизмати

2020-02-17 22:53:04